

A estación de arte rupestre no Monte Tetón será o obxectivo dunha nova Xeira nocturna do IEM.

Escrito por Redaccion @valminorinfo
Mércores, 12 Setembro 2012 20:09



O vindeiro venres 14 de setembro de 2012 terá lugar unha nova Xeira nocturna aos petróglifos da Estación do Monte Tetón, na parroquia de Tebra (Tomiño). O punto de encontro será na casa consistorial de Tomiño ás 22:00 horas. A visita estará guiada polo arqueólogo Xosé Lois Vilar, quen brindará un coloquio previo sobre as "Escenas de Caza na arte rupestre galega".

Logo do faladoiro visitarase o enclave coñecido como As Portaxes, aproximadamente a 300 metros sobre o nivel do mar, onde se atopa uns dos petróglifos de círculos concéntricos máis grade do continente. Xunto con outras figuras de carácter representativo e tamén abstracta, atópase na parte máis alta da rocha unha figura definida por dezoito círculos concéntricos cuxo diámetro maior alcanza os 2,40 metros de diámetro aproximado.

Dado que o percorrido será nocturno recomendamos levar lanternas e, previsoriamente, roupa de abrigo. A actividade está organizada polo IEM e o Concello de Tomiño.